

सानसेयारि "बड'सा" खीरालाइयाव  
भ्रमज्यायि जिज्जो लोब्बा थावाय रायथाय, अन्याय,  
भ्राल, भ्राल'बाथा आरु दावबायारि थावनि, पाके  
बाइदिनि भायाव लिन्नाय लिन्निदां दैथाय हरु।  
सानसेयारि "बड'सा" खीरालाइया सेबखानिनि  
फोसावलाव।  
बड'सायाव लिन्निदायनि दुबा खालाम,  
"बड'सा" खी नीथो, जो बयबो अंगो खालाम।

सानसेयारि बड'सा माखुलि  
माइवं नोंगार, जोहोलाव देमालु लामा  
कक्राझार, बिटास-783370  
Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Saturday ★ 21 November, 2020 Kokrajhar, BTC, Assam ★ Vol.- 30, Issue No. 235 ★ R.N.I.Regd.No.40994/91, AssamGovt.Regd.No.IPRD.40/2006/13, ★Rs.8/-

## आसामाव 3.50 लाखनिखुइ बांसिन न' लुफुंजाबाय

थि समनि गेजेरावो थाग्रा न' लुनायनि हाबाखौ मावफुंनो मन्थि दलेआ खावलायदो

गुवाहाटी, 20 नभेम्बर:  
दुलाराय हादतजो लोगोसे  
आसामावबो पन्चायत आरो  
गामि जौगाखां बिफाननि  
बन्जायनायाव दरफोमबो  
जिल्लायावबो दिने "आवास  
सान" फालिनाय जायो।  
बेराफासै थांनाय 16  
नभेम्बरनिफ्राय फैगौ 22  
नभेम्बरसिम आवास सप्ताह  
फालिबाय थानाय जादो। बेजो  
लोब्बा लाखिनानै गुबुन गुबुन  
पन्चायतफोराव थाग्रा न'  
लुनायनि थाखाय अन्थाय  
खाम्पा गायसन्नाय, हा फुजा,  
न' हाबनाय, बैक बिफानरिजो  
मु लाम्फायारिफोरनि  
सावरायज्जलायनाय आरो थि



समनि गेजेराव न' लुनो थाखाय  
मुलाम्फायारिफोरनि गेजेराव  
सांग्रान्थि सोजिनायखौ लाफानानै  
बायदिना हाबाफारि खुबोनाय  
जादो।

मख'नो गोनादि,  
2022 माइथायनि गेजेराव  
हादतनि न' गैजायै एवा  
बाइराव-जिराव न' थानाय  
मोनफोमबो निखावरि गामियारि

### थांखु आरो निकटिन गोनां गुटका, पान मसलानि सायाव होबथानाय समखौ फोलावबो दाबि

गुवाहाटी, 20 नभेम्बर: गुटका,  
पान मसला, थांखु आरो  
निकटिन गोनां जायखि-जाया  
जाग्रा मुवा बानायनाय,  
दोन्थुमनाय, रानसारनाय एवा  
फान्नायनि बेलायाव 2019  
माइथायनि नभेम्बर दानआव  
आदार रैखाथि कमिसनारआ  
फोसावनाय होबथानायखौ  
बोसोरसेनि थाखाय  
फोलावबावबो दाबि दैखादो

कन्जुमास लिगेल प्रटेक्सन  
फरामआ। राइज्योनि आदार  
रैखाथि कमिसनारनि बिबानआव  
थाया देहा बिफाननि कमिसनार  
सेक्रेटारि मनलिसा गस्वामीनो  
फरामनि थान्दे हाञ्जा मोनसेआ  
लोगो हमनानै बे दाबिखौ  
दैखाडो। फरामआ कमिसनार  
सेक्रेटारिनो बेनि सोमोन्दे गंसे  
लाइजामबो गथायो। फरामनि  
नेहाथारि एडभकेट अजय

हाजरिकाया लाइजामाव  
फोरमायथियोदि, आथिखालनि  
समाव कभिड थासागिनि फासें  
नोजोर लाखिनानै बुहमनां देहा  
आफाद, आइसिएमआर, मिरु  
आरो राइज्यो सरकारआ थांखु  
आरो थांखु हारिनि मुवा  
(□ 5 बिलाइआव)

### 23, 26 नभेम्बर आरु 5 डिसेम्बरआव गेजेर आसाम बन्द फोसावदो, भट बर्जननि हुमखि तिला हारिनि



मरिगाव, 20 नभेम्बर: फैगौ 23, 26 नभेम्बर आरु 5 डिसेम्बरआव  
तिवा अटनमास काउन्सिलनि बिसायख'थिनि सिगां दुलाराय तिला  
फरायसा आफादआ गेजेर आसाम बन्द फोसावनायजो लोगोसे  
तिवा ट्राइबेल सुबुंफोरखौ भट बर्जन खालामनो खावलायहरदो।  
तिवा अटनमास काउन्सिलनि बिसायख'थि सान फोसावनायनि  
अनवनो तिला अटनमास काउन्सिलनि आइन्खौ लाजिफोनांनानै  
काउन्सिलनि बिसायख'थि खुनो नाजानायखौ गोखौ हेंथा खालामदो  
तिवा फरायसा आफादआ। भटार फारिलाइया दासिमबो राइज्यो-  
राजाफोरनि आखाइयाव फैयाखे आरो बिसायख'थिनि सान  
फोसावनानै हारिखौ लाजिफोनांनय जादो होनानै अजद होयो  
तिवा फरायसा आफादआ। फरायसा (□ 5 बिलाइआव)

### मावखुलि बेखेवनाय समाव 100 नि बांसिन हौवा-हिन्जाव इउपिपिएलआव हाबफैदो

बिपिएफनि फेलें  
खुंथाय, जिएसपिहा  
समाजयारि बिबान  
गैया: धिराज डेका

भवानीपुर, 20 नभेम्बर:  
बिपिएफनि सालबारि  
बिबाबआव फोसावलाइ  
बेखेवनाय, गंथाम  
बिसायख'थियारि मावखुलि  
बेखेवनाय दिने इउपिपिएलनि



बिजाथि बिनद मोसाहारिआ  
बिसायख'थि दावहानि  
फेम्फाखौ दामजेनबाय।  
(□ 5 बिलाइआव)

### बिजेपिआ जोखौ लायोब्बाबो मोनबो बाथा गैया, लायाब्बाबो मोनबो अजद गैया: हाग्रामा

बासुगाव थान्दे, 20 नभेम्बर:  
बिजेपि दोलोआ जोखौ  
लायोब्बाबो जेबो बाथा गैया,  
लायाब्बाबो जोहा मोनबो  
अजद गैया। बेयो बिसोरनि  
बाथा, जोथ'त्रा-ब्राथे खालामनो  
हाया। बिजेपिआ जुदि  
(□ 5 बिलाइआव)

गोजौआव थांखि लादोब्बा  
अब्बा जोहा बुंनो गोनां जेबो  
गैया। नाथाय हाग्रामा  
महिलारिनि आखाइयाव फेनाय  
फोरमान बादिथै बिजेपि  
दोलोआ दिनेसिमबो बिपिएफ  
दोलोखौ नागरागोन होनानै  
(□ 5 बिलाइआव)

## बिटिसि बिसायख'थिनि थाखाय गसाइगाव महकुमा खुंथाया साखा-फारा जाबाय मोन 6 बियाबनि मोन 428 भट मिरुआव सा 308162 भटारफोरा सा 40 बिजाथिफोरनि खाफालखौ सायख'गोन

गसाइगाव/कसुगाव थान्दे,  
20 नभेम्बर: जोबोद दुंलोव  
गोसोथै नेनानै फेनायनि उनाव  
राइज्योयारि बिसायख'थि  
आयगआ फैगौ 7 आरु 10  
डिसेम्बरआव दरखै जिल्लानि  
मोननै खोलोबजो बिटिसिनि ग  
ब्रैथि सरासन्ना बिसायख'थिनि  
अक्ट आरु समफारिखौ  
फोसावनायनि उनाव कक्राझार  
जिल्ला बिसायख'थि  
बिबानगिरिनि सामलायनाय

गसाइगाव महकुमा खुंथायाबो  
बिसायख'थिनि थाखाय  
साखा-फारा जादो। कक्राझार  
जिल्लानि गसाइगाव महकुमा  
रिटानि बिबानगिरिनि सिङव  
मोन 6 बियाबआव फैगौ 10

डिसेम्बरआव भट आजावनाय  
जागोन। बेजो लोब्बा  
लाखिनानैनो बिसायख'थियारि  
हाबा-हुखाफोरखौ फारि-फारिये  
मावफुंनानै लानायनि मोनसे  
रहाफारि आखाइयाव लादो  
(□ 5 बिलाइआव)

गसाइगाव महकुमा बेंगिारि एवा  
रिटानि बिबानगिरिनि बिबानआव  
थानाय आइएस बिबानगिरि  
पल्लबी सरकारआ।  
बिबानगिरिआ मिबथिहोनाय  
(□ 5 बिलाइआव)

## इउनिसेफ आरु उतसाह गथ'सा रैखाथि आफादनि जथुम

गुवाहाटी, 20 नभेम्बर:  
इउनिसेफ आरु उतसाह गथ'सा  
रैखाथि आफादनि मदतजो  
आसाम पुलिसआ दाय हाबा  
नायसंग्रा बिफाननि गाहाय  
मावखुलिआव गायसन्नाय  
"आसाम पुलिस गथ'सा लोयो  
समल मिरु" खौ दिनेनिफ्राय  
खामानि मावबो हानायनि सांग्रा  
खालामनाय जायो। डिजिपि  
भास्क रज्यति महन्नि  
नुजाथिनायाव "मुलुगनां गथ'सा  
सान" नि सानखालि बेखेवनाय  
होयो बम्बाइ गोजौ  
बिजिरसालिनि बिजिरगिरि  
उज्जल भुजाआ।  
मख'जाथावदि, थांनाय 1  
अक्टबरआव फालिनाय आसाम



पुलिस साननि हाबाफारिआव  
गिबि मन्थि सर्बानन्द सनवालआ  
बे मिरुखौ बेखेवनेनानै  
होदोमोन। मिरुनि हेफाजाबै  
(□ 5 बिलाइआव)

राइज्योनि गथ'साफोरजो  
सोमोन्दो थानाय गसरफोरनि  
संदानग्रा बिबानगिरिखो  
(□ 5 बिलाइआव)

## हादतआव दासिम 90 लाखनिखुइबो बांसिन सुबुंफोरा करनाजो सन्देरजाबाय

बुहुमनाइै करना भाइरासनि सन्देरनाया  
5.73 कौटि, 13.68 लाख जिउ गोमाबाय

गोदान दिल्ली, 20 नभेम्बर: हादतआव दासान्दि करना भाइरासनि  
सन्देरनाया गोखे बांसिदो। मैयानि समाव 46 रोजा 185 सुबुंफोरा  
सन्देरजानो गोनां जायो। बे अन्जिमनि रुजुनायाव 45 रोजा 246  
सन्देरजानायफोया फाहामथायनि उनाव मोजाडव फैफिनो। बेनि  
गेजेराव सा 583 बेरामिफोरा बे महामारिजो जिउ गोमानाडो। बे  
रोखोमैनो एक्टिव केसआव 343 सिम अन्जिम मोनाय जायो।  
बेराफासै सन्देरनायजो लोगोसे फाहामथाय होनायनि उनाव  
बेरामिफोरनि अन्जिमयाया 3 अक्टबरनि उनाव लान्थियेनो बाडइ  
जाबोदो होनानै देहा बिफाननि सुलुख फोरमायो। हादतआव दासिम  
90 लाख 1 रोजा 263 सुबुंफोरनाव करना पर्जिटिभ मोनाय  
जादो। मोजाडव फैफिन्नाय सुबुंफोरनि अन्जिमयाया 84 लाख 23  
रोजा 126 सिम बाडो। दासिम सा 4 लाख 41 रोजा 727  
बेरामिफोरखौल'फाहामथाय (□ 5 बिलाइआव)

### 26-27 डिसेम्बरआव दुलाराय बाथौ महासभानि दौरिफोरनि सावराय जथुम

भवानीपुर, 20 नभेम्बर:  
दुलाराय बाथौ गौथुमनि दौरि  
आरु पुरिहफोरनि मिरु जथुम्मा  
आरु सावराय जथुमखौ फैगौ  
26 आरु 27 डिसेम्बरआव गाव  
(□ 5 बिलाइआव)

## कक्राझार जिल्लानि दाब-दाब ओन्सोलाव छठ फुजा फालिदो

कक्राझार, 20 नभेम्बर: कभिड-19 नि बागै सरकारआ  
खानानै होनाय नेमखान्थि बादिथै सान मोदाइखौ  
सिबिनारथि छठ फुजा फालिदो। दुलाराय हादतजो लोगोसे  
कक्राझार जिल्लानि कक्राझार, सालाखादि, गसाइगाव,  
गुरुपेल्ला, दतमा, फकिरग्राम बायदि जिल्लाफोरवबो  
दैमा-गाथोनआव छठ फुजा खुनाय जायो। गौरं दैसा  
गाथोनआव रोजा बां सुबुंफोरनि बाहगो लानायजो छठ  
फुजाखौ सान हाबनाय लोयो लोयोनु खुनाय जायो।(□



## बि टि सि बिसायख'थियाव जि एस पि आ मोन 30 मासि देरहागोन: हिरा

कक्राझार, 20 नभेम्बर: बिटिसिनि 12 नं  
सालाखादि बिबाबनि सिङव बिसायख'थि  
फोसावदिफेनानै गणसुरक्षा पार्टिनि गाहाय आरो  
एम्पि नव कुमार सरनिथाआ बुडोदि, फैगौ बिटिसि  
बिसायख'थियाव मोनसेबो राजखान्थि दोलोआनो  
गोबां मासि देरहानो हानाय नड। अदेवानि  
बिटिसिनि मोन 40 बियाबनि गेजेराव गावनि  
दोलो गण सुरक्षा पार्टिआ मोन 30 बियाबआव



देरहानानै सरकार दागोनआ रोखा जाबाय होनानै  
फोरमायो। एम्पि सरनिथाआ हाग्रामा महिलारि  
आरु हिमन्त बिश्व शर्माखौ राजखान्थियारि  
मुलाम्फानि थाखायनो बिसोर सानैजो गावजो गाव  
मुं सुलायदो आरो सोंखरिलायदो होनानै बेनि  
बिजाउनआव नुजानाय मुलाम्फाखौ गण सुरक्षा  
पार्टिआ मोनगोन होनानै दाबियो। सरनिथाआ  
बुंबावोदि, इउपिपिएल (□ 5 बिलाइआव)





## फोलानाय

जेब्ला आं नोंखौं सान्दोंमोन  
सिरिसे गुसु बारा बारफैदोंमोन  
जेब्ला आं नोंखौं नुयो आंनि सिमाडव,  
आं उन्दुनायनिफ्राय सिखारनो लुबैयाखैमोन  
जेब्ला आडे हारसिडे,  
आं नोंखौं मिथियो मोकथाडव आंगो आंनि ।  
जेब्ला नोडे आंगो आंखौं,  
आं गासिखौबो बावो ।  
नाथाय जेब्ला आं नोंखौं दांनो नागिरो  
नों बारजों गोमोर लाडे ।  
यै आंनि मोजां मोनाय  
बबाव दड नोडे ?  
आं गिखांदोंमोन  
नों गोहो बोलो नागारनायै फे,  
आं हारसिडे ।  
आं नोंनि गोनांथार फेलें जानाय आरो  
थारैनो मोजां मोनो आं नोंखौं ।

मुस्रि अशक बसुमतारि

गामि - गफालगाव, ला:सो: - कक्राझार

## गोदान मुगानि सिख्ला

नाड-नाड आंन,  
दानि जुगनि सिख्लाफोरखौं  
दानो लुनो रोड गारा;  
देलाइ मांघि नोंसोर  
थगाइ सुलि ?  
थाथिखि नों थिफुदलि  
फोथाय जाला दानि सिख्लाफोरखौं  
हाइ ! हाइ ! मा ?  
आजि खालिनि सिख्ला देलों  
लाजिसो गारसै आं  
सि-सि-सि...  
गारि मटर साइकेल सालाइनाय  
नुब्ला थाइ हाइ ! हाइ !  
खारफासो गारसै,  
मिथिया नोंसोर ?  
दंनाइ गैयै सिनायआ  
मटर साइकेल सालाइग्राआल '  
मानसिमोन, नामा .... ?  
नोंसिनि मेगनाव  
लाजिया नोंसोर ?  
गन्थं गैया नोंस्रा  
साइकेल सलायग्राया मानधि  
नडमोन नामा.... ?

मुस्रि मामु मोसाहारी

जिल्ला - कक्राझार

## आंनि जिउनि मिजिं

आंनि जिउनि दोंसे खन्थाइ  
आंनि गोसो गोबोंनिफ्राय गबोनाय  
आंनि बे खन्थाइ ।  
नोंखौं नेनानै दं आं आदा  
नाथाय मानो नुवा आं नोंखौं  
नायनो लुबैब्लाबो ।  
मोजां मोनो आं नोंखौं  
गोसो मोदोम जिउ होनायै  
सानबाय थायो आं मिजिं  
नोंजों आंजों लोगो हमनानै  
सानैजों दैसा सेराव रायज्जलायनो  
नाथाय मानो फैया नों ।  
एसेबां गोदै राव राज्जलायनानै सानब्लाबो  
मानो फैया ?  
दिनै फैगोन गाबोन फैगोन साननानै  
नेगासिनो आं हांमा सुरहाब सुरहाब ।  
गोसोनि सान्नायखो फोरमायनो हांमा थाबाय ।  
आंनि गोसो गोरबोआ बायफले लांबाय  
बेसेबा रुगुम गैयै लैथोआव  
आंनि जीउनि मिजिं ।  
नेबाय थागोन आं र'जे  
नोंनि डिड जावबोनायखौं  
आंनि जिउनि मिजिं ।

थरायना सलरा नाजारी

जिल्ला - चिरां

## औवा राइदों थुरिजों

लुनाय बे न'आ जोंनि ।  
बेयाव थायो गोजोनै  
जोबोद गंगोनि;  
थाइजौ खानथाल गइ बारि  
बेनो बर'नि गामि ।  
मोजां मोनो गेलेनो  
आमाइ-जुमाइ थाखोमानायाव;  
बिब' फंबाय थायो बेयाव  
अराइ खोसेधि ।  
बिबार बारि लारि लारि  
गुफुर गोजा गोमो गाब-  
बाइदि सारि सारि;  
गोसोआव दड मेथाय  
नों खोनायोब्ला बिखा सुरलाइनाय ।  
मोजां मोनो गेलेनो  
अखा नायब्लानो,  
आमाय जुमाइ थाखोमानाया ।

मुस्रि बिष्णु बसुमतारि

जिल्ला - चिरां, बि टि आर  
पिन - 783373

## रंजालि गथ' फोरनि सौरा

### मुंखलं जोहोलाव

थारैनो नों सासे जोहोलावमोन  
गावनि हादरखौं सिबिग्रा,  
गावनि जोनोमफुरि हादरखौं  
मोजां मोनग्रा जोहोलाव ।  
थै-थां जुजियै जुजियै हारिखौं  
खौसे लाबोनो नाजानाया थारैनो  
दंमोन नोंनि गोथार गोसोआव ।  
हानाय नड जों जेब्लाबो बावनो,  
बेबायदि हादर अनसुला जोहोलावखौं  
थास लाइनि जिउआ दिनैसिम  
आसखान्दा जादोंब्लाबो नोंनि  
मावफारि जोहोलाव जारिमिना  
अरायबो जोंनानै थाबाय थायो ।  
एना एनि जानो रोडै सुबुंजों  
हारिखौं खौसेआव जौहा होग्रा नों  
थारैनो नों मुंखलं जालांबाय ।  
हारि सिबिसुला जेरावबो आखा फाखा  
राफोद हारि सिबिसुला नों मावधि  
मेंनो रोडै बानो रोडै जिराया जासे  
नाजायो अरायबो मावनो सान हर ।  
बावनो हाया जों बे बायदि  
जोहोलाव फोरोंगुरुखौं ।  
मोदोमाव हारिनि थैखौं लानानै  
हारि अनसायनाया मेगन गोसा  
सुथुरजों नोजोर होजाना थारैनो  
अबथिरा जिउआव नों मुंखलं जालांबाय ।

मिस रंजालि बसुमतारि  
जायनारि

## दुखुथिया बिमा

मा एसे गाजि आयै नोंनि खाफालालाइ  
सानबाबो सानसनो हाया.....  
फार्सेथिं साननानै नाययोब्ला  
हारसिडे गोबों खामगिललायानाय  
जुजायनि अर बायदि दोहो-दोहो..... ।  
खाफाल हमनानै थाथ' आयै.....  
सानसे समाव जों बिग्राय फारि फोरजों  
दानलाय...सुलाइ जिउ होनानैब्लाबो लुगोन जों  
हिमालय हाजोआव बेलदिं न' ।  
जांखि खांयो आयै बिग्राय फारिफोरा.....  
नोंल' दुफां बोथोरनि बार बायदि  
सिमब्रे-सिमब्रा हिउ-हिउ....  
बारनाय बारोजों बिबफानानै जावलिता जानो दासान ।  
मा एसे गाजि आयै नोंनि खाफाललाय ।  
बबेबा लैथोनिफ्राय फैनाय दै बाना बायदि...  
उलथांलाय फालथांलाय ।  
दासान नों आयै हारसिडे जांखिखांनो माखासे  
आरमि पुलिसफोर बायदि ।  
जों दं आयै जों दं.....  
जेब्लाबो दासाननों आयै दासान...  
जेब्लाबो नोंनि मेगननिफ्राय गहोनो बबेबा जायागानिफ्राय  
फैनाय दैबानानि मोदै ।  
मा एसेबां दुखुथिया आयै नोंनि महारालाइ ।  
बिजिर- बिजिरनानै नायब्लाबो  
खुगायाव खुदै मेगनाव मोदै ।  
मा एसेबां दुखुथिया आयै बे उजिगासेयाव  
जोंनि जोनोमालाय । १

जाइखलं ब्रह्म  
ला:सो:-सान्तिपुर  
जिल्ला-चिरां, बि टि आर

## मोगथाडसो सिमां

जेब्ला आं सिरिये गोदोहाबो  
सानबोलावरनि देरायाव  
अब्ला जाखांफैयो फिर फिरनो  
मोगथाड सिमां बादि  
सिगलाबलाडे फारनैबो खावलाय ।  
गिसिखालाडे ज्राम ज्राम हाब्रां ।  
अब्ला आं आरो रासिननिफ्राय रासिन मिनिंसिनो,  
गोसोनि मोदैखौं गोसोआवनो  
थाथोंसै साननानै-  
नाथाय गुबुनाय बान्दोनिसो  
महर लायो... ।  
सोंनाय फैयो.....  
बबे बिखाया बबे गोसोजों सहायखो ?  
माबोरै..... ?  
जिउआ जिउनिनो  
ना..... फोजोग्रासो ?  
खाप्पि बिप्पिनो.... ?  
बेखायनोसो नामा रजे  
सिमाड सिमां नड  
मोगथाडसो सिमां ?

मिस रंजालि गयारि


## फैफिन नों रजे

आंनि गोरा गोसोआव नों जेब्ला  
लुफावफैदोंमोन अन्नायनि फिथिखा  
नोंनि थार अन्नाया  
लासै गेलेम लांदोंमोन गोरबो बिखा ।  
जेब्लानों गोरबोनि लांदां मासियाव-  
साननैसोनि आलासि जाना जिरायनायाव,  
बुंनाय बैफोर नोंनि राव फावआ  
दड दाबोनो गोरबोनि दायरिफोराव रोखा रोखा ।  
दिनै सुथुरनि नाखेबनायाव-  
गोसोआ नोंनि आंनिफ्राय बेसेबा गोजानाव  
सुथुरखौं गियोब्ला  
मानोथो मोजां मोना सना ?  
गोसो सिखाव जानानै रजे  
मोजां मोनलायनायनि गाथोनव दारोले ।  
नोंनि अन्नायखौं लानानै  
बावलांबायमोन आं दुखुनि सोमोदें,  
नाथाय नोंनि फोथाय खेबस अन्नाया  
दिनै सोमजिहोबाय गोरबोआव हांमा... ।  
नोंनि थाखाय सुजुनाय सिमाड  
सिमाडैनो गोमोरलांनयबाय सना,  
नोंखौं लानानै लुनाय मिजिंनि देरायावलाय  
सुथुरनि लुफावनाय अरा जोंब्लाउ फैबाय ।  
नों आंनि गोजान जादोंब्लाबो  
गोमोराखे रजे नोंनि सावगारिया गोरबोनिफ्रायनो ।  
सिमाड आंनि नोंनि थाखायल  
मोगथाडव नोंनि अन्नाय मोननायनिल ।  
गोरबोआव आंनो मोदैन आगान होलांनानै  
आंनिफ्राय जानगारखो नों मा गोसो लानानै ?  
मँगिलनाय सोलेरखौं लानानै  
दड आं नोंखौनो नागिरबायनानै,  
नाथाय दिनै आंनि दावबायनाय लामायाव,  
गाब्रफलांबाय आं सुनि बेहेराव ।  
आंथिनि सुखौं बखनानै  
सानदोंमोन आं आगान सुरफिननो गोदानै,  
नाथाय बखनो हायाखिसै आं रजे  
नाजाब्लाबो गले गले ।  
आंथिनि सुखौं बखनो-  
नों नडब्ला हानाय नड रावबो ।  
दड आं दिनै जग्रबनानैसो  
बे सुनि बेहेरावनो,  
थैजासिम बेवनो थाबाय थानानै  
नोंखौनो आं लामा नायबाय थासै ।  
माब्लाबा आंखौं गोसोखांफिनोब्ला  
अनसाय फैफिननो दाबाव सना  
बे लामाखौं सं दाननानै सानसे-  
आंनिफ्राय फैफिन नों रजे.... ।

मिस कल्यानि बसुमतारि  
कक्राझार

## बे समायना सावगारियाबो गोसोखौं गिखांहोयो, गिनायानो बेरामनि मैहुरबो खालामनो हागौ !

लैथोल' नड, बेजों  
सोमोन्दो थानाय मोनफ्रोमबो  
मुवाफोरखौनो बिसोरबादि  
सुबुंफ्रा गियो । जाय सुबुंफोरा  
दै सिडव सम बारहोलांनया  
रै खानिफ्राय मोन्दांथिनाय  
बादिसो मोनो । नाथाय खायसे  
सुबुंफोरनि थाखाय लैथो आरो  
बेनि समायना दोहौनि सोदोबखौं  
खायसे गिखांनानै सिमांफोरबादि  
मोनो । जुदि लैथो आरो बेनि  
गोथैथाराव थानाय रहस्यफोरनि  
सावगारिखौं नुयोब्ला नोंथांनि  
गोसोआबो सोलाइ लांगोन ।  
अब्ला नोंथांआ जायखि-जाया  
फबियानि मैहुर जानांगोन ।  
दानिया बेफोर सावगारिफोरखौं  
नायदो आरो सिनायथिदो ।



थालासफबिया एबा  
लांदां लैथो आरो बेनि  
गोथैथाराव एरसोखोमानानै  
थानाय मुवाफोरखौं गिखांनया ।  
मुलुगआव खायसे सुबुंफ्रा बे

बादि फबियाजों मैहुर जानांदों ।  
एरैबादि सुबुंफ्रा दै आरो बेनि  
सिडव थानाय मुवाफोरखौं  
नुयोब्ला लोमजानो आंखारनाय  
बादि मोनो । बिसोरबादि सुबुंफ्रा  
उदां समाव लैथो आरो दैनफ्राय


जानगाराव थानो नागिरो । जाय  
सावगारिनि समायनाखौं नर्मेल  
सुबुंफ्रा जिउ नाडै नायनो  
नागिरगोन । नाथाय बेबादि  
बेरामजों भुगिनाय सुबुंफ्रा खेबसे  
नोजोरजोंबो नायनाय नड ।

बेबादि फबिया जाजानाय सुबुंफ्रा  
अरायसम एरैबादि सानोदि,  
बियो दैआव गब'लांगोन आरो  
लैथौ सिंनिफ्राय माबाफोर  
जिबआ आंखारबोनाय बिखौं  
अरनानै सिडव लांगोन । 1r



## सुशान्त सिं राजपुतआ थैनायनि सानसे सिगां 26/11 गाग्लोबनायनि सायाव बिथा खालामनाय मोनसे सावथुनआव फाव खालामनो थांखि लादोंमोन

गोदान दिल्ली, 20 नभेम्बर: मोनसे जर'खा सावथुनआव बलिउड फावखुंगुर सुशान्त सिं राजपुतआ थैनायनि सुशान्त सिं उननिफ्रायनो सानफ्रोमबो बिजों सोमोन्दो गोनां माखासे बाथ्राफोरा खौराडव थाबाय थयो। सुशान्त थैनाय केसआव सिबिआइनि फारसे नायबिजिरनाया दासिमबो सोलिगासिनो दड। बेनि गेजेराव फावखुंगुरखौ लानानै मोनसे गोदान बाथ्राखौ मोनथिनाय जादों। खौरानि बायदिब्ला सुशान्त सिं राजपुतआ थैनायनि सिगां




दिन्थिनाय जागौमोन। बे सावथुनखौ लानानै सुशान्तआ गोबां उसुखुथुमोन।

एजेन्सिफ्राय उदय सिं गौरिजों बाथ्रा सावरायदोंमोन। गौरिआ सावथुन मेकार निखिल आडबाणी, प्रडिउसार रमेश तौरानी आरो सुशान्तजों लोगोसे बाथ्रा सावरायदोंमोन। फोरमायनाय बायदिब्ला बेयो मोनसे कन्फ्रेन्स कलमोन। बिसोरो साब्रेजों 7 मिनटिल' बाथ्रा सावरायदोंमोन। बे समाव सुशान्तआ मेकारसजों लोगोसे गावनि बिबुथि आरो माबोरै गाव बे सावथुनखौ खालामनो हास्थायदों बेखौ शेरार खालामदोंमोन। बेजों लोगोसेने बेनि सायाव गुवारै बाथ्रा सावरायनो थाखाय अक्टखौबो फिक्स खालामदोंमोन।

## अमृता फाडणाभीसनि गोदान देंखोआ नुजानायनि लामायाव

गोदान दिल्ली, 20 नभेम्बर: देंखोगिरि अमृता फाडणाभीसआ ऐरैनेथ' खौराडव थाबाय थयो, नाथाय खौराडव थाबाय थानायनि जाहोना खालि बिनि देंखोनि थाखायल' नड, बियो महाराष्ट्रनि आगु गिबि मन्थि देबेन्द्र फाडणाभीसनि बिसिबो। मख'नो गोनांदि, इडुबआव बिनि मोनसे गोदान माराठी देंखो 'तिला जगु दया'आ रिलीस जाबाय। आधिखालाव अमृतानि थाखाय बेयो मोजां मोन्दांथिनाय जायाखै, मानोना बांसिन नायगिरिफोरा बिनि देंखोखौ मोजां मोनाखै।



भाइ दुजनि सानयाव रिलीस जानाय बे देंखोखौ टी-सिरिज माराठीआ लन्च खालामदों। बे देंखोआ आइजोफोरखौ गोखों खालामनायनि सायाव बिथा खालामनाय। नाथाय बे देंखोखौ सुबुंफोरा लाइकनिफ्राय बांसिन डिसलाइक खालामदों। माखासे इडुबआव बिनि देंखोखौ पुजाजों रुजुदों। बे देंखोयाव दासिमआव 40 रोजानिफ्राय बांसिन सुबुंफोरा डिसलाइक खालामनाय। बेल' नड बे देंखोनि सोमोन्दै सुबुंफोरा इडुबआव आरो सशेल मिडियाआव जेना गोनां बिबुंथिबो होदों। मख'नो गोनांदि, देबेन्द्र फाडणाभीसनि बिसि अमृता फाडणाभीसआ समनि खौराडव थाबाय थयो। लकडाउननि समाव बिनि माखासे सावगारिफोरा सशेल मिडियाआव नुजादोंमोन, जेराव बिखौ मोनसे जथुमायाव नुनो मोन्दोंमोन।

गोदान दिल्ली, 20 नभेम्बर : बलिउडनि मुंदांखा फावखुंगुरि नीतु कापुरआ चन्डीगडआव गावनि गोदान सावथुन 'जुग जुग जिय'नि सुटिखौ खालामगासिनो दड। बे समाव अनुपम खेरआ बिखौ लोगो मोन्नानै गोबां दुखु मोन्दों। अनुपमआ बे लोगो मोन्नायखौ लानानै मोनसे इमशनेल पस्टखौ सेयार खालामदों। बियो बे समखौ गोसोखांदों जेब्ला गाव मुंदांखा फावखुंगुर ऋषि कापुर आरो नीतु कापुरजों निउयकईआव लोगो मोनलायदोंमोन।



बाथ्राखौ गोसोखां होयोदि, चिन्टुआ सुबुंथि महरै बेसेबां मोजां मोन। आं गोबां गोजोनाय मोन्दोंदि नों फाव खालामगासिनो दड। मख'नो गोनांदि, सावथुन 'जुग जुग जिय' आव अनिल कापुर, कियारा आडवानी, बरुण धावन आरो प्रजाक्ता कहली बायदि स्टारफोरखौ फाव खालामनाय नुनो मोनगोन। नीतुखौ जेबथा खेब सावथुन बेशरमआव नुनो मोन्दोंमोन।

## चित्रांगदा सिंनि केरियारआव गावनि सोमज्रो गाबआ गोहोम गोग्लैदोंमोन



गोदान दिल्ली, 20 नभेम्बर: फावखुंगुरि चित्रांगदा सिंआ थारैने गावनि समायना महरनि थाखाय मुंदांखा, नाथाय मोनसे समाव औरैबायदिबो फेदोंमोन जेब्ला बियो सोमज्रो गाबनि जाहोनाव फारागथि दिन्थिनायनायनि मोगा-मोगि जानांदोंमोन। चित्रांगदाया फोरमायदोंदि, मडेलिंखौ जागायनाय समाव गावनि सायाव फारागथि दिन्थिनायनायजोंनो माखासे हावाफारिफोराबो जानगर जादों।

थानाय दानआव चित्रांगदाया मोनसे इन्सटाग्राम स्टरीखौ पस्ट खालामदोंमोन। जायनि केप्सनआव बियो लिटरदोंदि, आं सोमज्रो आरो गोजोनाय दड। चित्रांगदानि बे पस्टआ गोबां भाइरेल जादोंमोन। सुबुंफोरा बेनि सायाव गाव गावनि फिनजाथायखौबो होदोंमोन। चित्रांगदाया बम्बे टाइम्सजों बाथ्रा सावरायनानै बुंदों, आं सोमज्रो गावनि आयजो बायदिनो थाना थानायनि मोन्दांथिखौ मिन्थिगौ। बेयो माखासे मुवा बेसादफोर बायदि नड। जायखौ सुबुंफोरा थोंजोडे बुंगोन। बेखौ खालि हम्दानो' हयो। साहा भारतआव देरनाय समाव गाव बेखौ बयनिखुबो बांसिन हम्दांथिदों। मुम्बाइआव फैनायनि सिगां चित्रांगदाया राजस्तानआव थायोमोन।

## गाहाम देहानि राहा

### तुलसि बिलाड़आ देहानि थाखाय गाहाम

पौराणिक महत्वनि अनगायै तुलसिआ मोनसे मुंदांखा मुलिबो, जायखौ माखासे बेरामफोराव बाहायनाय जायो। गगा मोन्नाय-गुजुनायनिफ्राय लानानै माखासे गिखंथाव बेरामफोरावबो बेयो बाहाय जाथाव आयुबेंदिक मुलि। आयुबेंदयाव तुलसि बिफोनि गासिबो बाहागोखौ गाहाम देहा महरै मुलाम्फा गोनां होन्ना फोरमायनाय जादों। तुलसिनि रोदा, देन्था, बिलाड़ आरो बेगरना गाव गावनि गुन दं। जुदि लोमजादोंब्ला आरो गगा मोन्दोंब्ला मिश्री, काली मिर्च आरो तुलसि बिलाड़खौ काड़ा बानायना लोंब्ला मुलाम्फा मोनगोन। उदै सानाय जेनायाव गोग्लैब्ला तुलसि बिलाड़नि फाहामथाय मुलाम्फा होगोन। तुलसि बिलाड़खौ जिराजों लोगोसे उन्ना लानांगौ। बेनि उनाव सानेयाव तुलसि बिलाड़खौ फिटकरिजों लोगोसे गलायना



बेबादि खालामब्ला उदै सानाय थावथाना थागोन। खहाय मोन्नायनायखौ जानगर खालामनायावबो तुलसि बिलाड़या गोबां मुलाम्फा गोनां जायो आरो नेसुरेल जानायनि जाहोनाव बेना जायखि जाया रोखोमनि साइडफेक्टबो जाया। खहाय मोनामदोंब्ला तुलसिनि माखासे बिलाड़खौ अरगिल नांगौ। बेबादि खालामब्ला खहाय मोनामनाया जानगर जागोन। जोखोम जादोंब्ला तुलसि बिलाड़खौ फिटकरिजों लोगोसे गलायना जोखोम जानायाव फुन्ना लाब्ला थाबैनो थिक जागोन। तुलसियाव एन्टि-बेक्टीरियल तत्व थयो जाय जोखोम जानायखौ मोजां खालामो। बेनि अनगायै तुलसि बिलाड़खौ थावजों गलायना फुन्नाबो आलौनाया खम जायो। मोखांनि महरनि थाखाय तुलसिआ मुलाम्फा गोनां। बेखौ बाहायब्ला गोसोम दागो जानाय, सिधर सिलाया जानगर जायो आरो मोखांनि महराबो जोंखोल जायो।

## अखा बोथोराव हाथायखौ गाहामै लाखिनायनि राहा

अखा बोथोरनि समाव हाथायजों सोमोन्दो थानाय माखासे जेनाया सोमजिनो हागौ, जाय हाथायनि सायाव गोहोम खोखलैयो। बेनि थाखाय दुथब्रासखौ सोलायनाया गोनांथार आरो नेमखान्थि बादिथै हाथायखौ साखोन-सिखोन खालामनांगौ। आर्थडन्टिक क्लीनिक डेन्टेमनि बिथोनगिरि गुनिता सिं आरो सार गंगा राम देहाफाहामसालिनि सिनियर आर्थडन्टिस्ट तनबीर सिंआ बै सांग्रॉथिनि सोमोन्दै फोरमायदों, जायजों हाथायखौ गाहामै लाखिनो हायो।



(2) नेमखान्थि बादिथै हाथायखौ साखोन-सिखोनयै लाखि नांगौ। (3) भिटाभिन सि आरो के लसियाम थानाय जाग्रा आदारखौ जानायजों लोगोसे बोथोरनि फिथाय सामथाय आरो मैंग-मैलाखौ जानांगौ। अखा बोथोराव आपेल, नाशपाती, स्टुबेरी, दही आरो अटखौ जाब्ला मुलाम्फा मोनगोन। (4) नेमखान्थि बादिथै हाथायनि चेकआप खालामनाया गासिबोनि थाखाय गोनांथार। बेजों हाथाया गाहामै थानायजों लोगोसे जेना सोमजिनायखौ जागाय जेनायावनो मोनथिनो हागोन। (5) अखा बोथोराव जों कपी आरो चाहा बादि गर्म लोंग्रा मुवाखौ लोडे जेराव कैफोन थयो। बेजों हाथाया गात्रि आरो लोरबां जानो हागौ आरो हाथायनि सायाव गोसोम गोसोम दागो सोमजिनो हागौ। बेनि थाखाय मोन्नेखौबो खम बिबांनि लोंनो नाजानांगौ।

## कबिता कौशिकआ सलमान खाननि सायाव दाय जाबसिन्दों

गोदान दिल्ली, 20 नभेम्बर : टिभिनि जेना गोनां श्व' बिग बस 14 आव सानफ्रोमबो दावराव-दावसिखौ नुनो मोनो। नाथाय मंगलबारनि एपिसडआव मोनसे औरै बायदि दावराव-दावसिया जादोंदि, बाथ्राया बुलाइलायनायसिम सौहैदों। बादायारि कबिता कौशिकआ एजाजखौ नारहरदोंमोन, जायखौ एजाजआ गोबां रागा जोंदोंमोन। जाथाया औरै बायदि बांदोंदि, जायखौ बिग होबथानो गोनां जादों। बिग बसआ बुंदोंदि, कबितानि नारनाया एजाजखौ दुखु होनाय नडमोन। श्व'आव साफ्रोमबो बादायारिफोरा कबिताखौ बुजायनो नाजानाय नुनो मोन्दों। बिसोरो बुंदों सोरखौबा नार्जित हसनाया मोजां



नड, नों गात्रि नोजोराव थागोन होन्ना नै बुंदों। एजाजजों दावराव-दावसि जानाय समाव कबिताया एसेबां रागा जादोंमोनदि, बियो सलमान खान आरो मेकारसिन सायाव सोंथि सोंदों। बियो बुंदों, आंखौ गात्रि नुदों बिसोरो आंखौ खेला गेलेहोया, हान्जा जानानै जिरायनानै थयो। उननिफ्राय आवाज हरो आरो रायहरो। बेफोरखौ टिभिआव दिन्थिनाय जानाय नड। बियो बुंबावदों बेखौ दिन्थिनाय जागोनदि, जानाय लौनायखौ लानानै दावराव-दावसि जादों आरो कबिताया, औरै बायदि दावराव-दावसि खालामदों। आंखौ गात्रियै नुनो मोनगोन। आं आधिखालाव आरोबाव गात्रि जानो सानला। आधिखालाव रावनिबो दुखु होनायखौ गनायना लानो साना। गाव गावनि बाथ्राखौ बुंगो खानु मोना। सलमाननि सिगाडव बुडेब्लाबो बियो गोसो जानायखौ दिन्थिया।

## निरहुआनि देंखो छठ के बारात भाइ भुखेआ छठ फुजायाव रिलिज जाबाय



गोदान दिल्ली, 20 नभेम्बर: भजपुरी फावखुंगुरिफ्राय राजखान्थि दैनेगिरि जानाय दिनेश लाल यादव एबा निरहुआया छठ फुजायाव मोनसे जर'खा देंखोखौ रिलिज खालामदों। बे 4 साननि छठ फुजायाव सुर्य भगवानखौ फुजा होनाय जायो। बे फोर्बॉनि समाव सुर्य देबनो आरथि होनाय जायो आरो छठी मैयानाव गाव गावनि फिसाफोरनि थाखाय आर'ज गाबो।

बे बोसोराव छठ फुजाखौ 18 नभेम्बरनिफ्राय नहाय खायजों लोगोसे जागायदों। बे फुजाखौ 21 अक्टिसिम फालिनाय जागोन। निरहुआया गावनि गोदान छठ देंखो 'छठ के

बारात भाइ भुखे'खौ रिलिज खालामदों। देंखोखौ सुबुंफोरा गोबां मोजां मोन्दों। निरहुआया बे देंखोखौ गावनो रोजाबदों। बे देंखोखौ निरहुआ मिउजिक वर्ल्ड इडुब सेनेलआव आपलड खालामदों। अनिल अनमल शर्माआ मिउजिकखौ होदों। फासैथि अबधेरा कुमार सिं बिमल बावराया बे देंखोनि बलखौ लिटरदों। बे गोथार फोर्बॉनि समाव माखासे भजपुरी देंखोगिरिफोरा गाव गावनि देंखोखौ रिलिज खालामदों। बे खाबुआव खेसांरि लाल यादव आरो अक्षरा सिं बायदि मुंदांखा भजपुरी फावगिरिफोराबो देंखो रोजाबदों।

# हिमाचलनि दरसे गामियाव सासे सुबुनि अनगायै गसैबो करनाजों सन्देर जाजोबनाय

लाहौल, 20 नभेम्बर: हिमाचल प्रदेशनि लाहौल हायेननि थरं मुनि गामियाव 52 बोसोर बैसोनि भुषण ठाकुरखौ नागारनानै गासै सुबुडानो करनाजों इनफे क्शन जाजोबनाय। गामियाव गासै सुबु फोरा इनफे क्शन जानाखनिखुइ बांसिन गोमोथाव बाध्याया बेनोदि, बयजोबो लोगोसे थासेयावबो सासे सुबुडा भाइरासनि खैफोदाव गोरलैयाखै। नाथाय बेयो माबोरे गोरलैयाखो? भुषण ठाकुरआ वे सौनायनि फिन्नायाव जाय बाध्याखौ फोरमायदों बेयो सांग्राथिनि थाखाय बयखौबो थुलुंगा होयो। थागिबि आरो इनफेक्शन केसनि रुजुजखानि केसाव लाहौल स्फीट हायेनआ राइज्योयाव बयनिखुइ बांसिनै गोहोम गोरलैनाय जिल्ला। करना के सआव गोखैयै बांनार्यनि जाहोनाव खुंथाया थालाय-फैलायखौबो सिमना गोनं खालामानंदों।  
टाइम्स अफ इन्डियानि मोनसे खौरानि



बायदिब्ला, मानाली-लेह हाइवेआव थानाय थरं गामियाव दा गासै सा 42 थागिबिफोर दड, मानोना बांसिन सुबुफोरा गुसुनि जाहोनाव कुल्लुआव थांखांजोबनाय। बेनि उनाव गामियाव थालांनय सुबुफोरखौ थानाय सानाव करना नायबिजरनायनिफ्राय मिथिनो मोनोदि, सा 42 नि गेजेरव सा 41 नि सेम्पोलखौ पजिटिभ मोन्या जादों। नख'रव सा 5 सुबुफोरा इनफेक्शन जासेयावबो भाइरासनि खैफोदाव गोरलैया

भुषणआ बुंनय बायदिब्ला, बियो मोनसे आलादा खुथायाव थानानै सानब्रैनिफ्रायनो गावनि जाग्रखौ गावनो सांगासिनो दड। बियो टेस्टनि फिथाइ फैजासिमाव नख रजों लोगोसेनो

दडमोन। आथिखालाव बियो गासै प्रटकलखौ गोखोडै फालिगासिनो दड, जैरेबायदियै आखाय सुनाय, मास्क गान्नाय आरो राइज्योयारि जायगाफोरव सशेल डिस्टेन्सिंखौ लाखिनाय। बेनिखायनो सुबु फोरा बे बेमारखौ रेजेडे लानो नाडा, मानोना गुसु बोथोरा सौफेबाय। सुलुडाव फोरमायनाय बायदिब्ला, माखासे साननि सिगां मोनसे धोरोमारि हाबाफारियाव गासै गामियारिफोर ज' जादोंमोन। बेनि खाथि-खाला गामिफोरवबो गोबों अन्जिमानि सुबुफोरा इनफेक्शन जादों। □

# चेक गणराइज्योनि हादतगिरिआ डनाल्ड ट्राम्पनो बिसोन हरदों

प्राग, 20 नभेम्बर : आमेरिकानि हादतगिरि बिसायख 'थिनि फिथायखौ गनायना लायैआव डनाल्ड ट्राम्पनो चेक गणराइज्योनि हादतगिरि मिलस जेमानआ बोसोन होदों। जेमानआ बुंदों ट्राम्पआ गावनि जेनायखौ गनायना लानंगौ। बेवहाय जेबो लाजिनांगो बाध्या गैया। डनाल्ड ट्राम्पआ आथिखालाव गोदानै सायख'जानाय हादतगिरि ज' बाइडेननो बिबानखौ एंगलायना होनांगौ। गुबुन फासिंथिजाय मुलुगनाडेनि दैदेनगिरिफोरा बाइडेननो देरहानायनि गाहाम हामलायथि बावहरदों। चेक गणराइज्योनि हादतगिरिआ




बुंदों, सुबुथि महरै गाव साना लायोदि बियो गावनि अखा आखुखौ नागरानंगौ। बेवहाय लाजिनांगौ बाध्या गैया। 76 बोसोरनि मिलस जेमानआ चेक गणराइज्योनि गाहाय मन्थिबो जाखंबाय आरो हादतगिरिनि महराव बेयो बिनि नैथि हाबाफारि

मावनायनि सम। जेमाननि बेबादि बिबुथि होनाया गासैबोनि थाखाय गोमोथाव बाध्या। मानोना बेखौ डनाल्ड ट्राम्पनि हे फाजाबगिरि मानिनानै लानाय जायो। माखासे खालावफोराव बियो ट्राम्पखौ हेफाजाव होनायनि बिबुथिबो होदों। □

# हंकायव गोहो गैयै मोन्दांनानै चीनया गिखांदों

बेइजिं, 20 नभेम्बर : हंकांखौ हेफाजाब होनायाव हारिमायारि थाखायाव बाध्या बुंनयाव चीनआ गिखांदों। चीनआ आमेरिकानों लोगोसे सोनाबयारि हादतफोरखौ हुमखि होनानै बुंदों, गावसोरनि सभरेन्टी आरो रेखाथिनि फासै नोजोर होग्रा मेगनखौ सौखलनाय जागोन। बेइजिंनि बेबादि बिबुथि होनाया आमेरिका, अस्ट्रेलिया, कानाडा, निउजिलेन्ड आरो ब्रिटेननि गेजेरजों चीननि हंकां नेमखान्थिनि सायाव अजद होनायनि उनाव फेदों। बे



गसिबो हादतफोरा हंकांनि सुबुफोरनि गुदि मोनथायखौ रेखाथि खालामनो थाखाय 'फाइभ आइज' मुनि गुप

सरकारआ गोदान आयेंन बानायदों। चीननि गुबुनारि हादत मावख'नि बुंथिगिरि झाअ लजिअनया सोनाबयारि हादतफोरनो सांग्राथि होनानै बुंदों, बेसेबां मेगन दं, बेनि जेबो फारगथि गैया। जुदि सोरबा जोनि सभारेन्ट आरो रेखाथिनि हेथयै हाबाफारि मावब्ला बिनि मेगनखौ एरखलनाय जागोन। चीनआ माब्लाबावो जेबो जेनाखौ सोमजिखां होया आरो जेखौबो गैया। सोनाबयारि हादतफोरा सांग्रांटे थानांगौ। नडाव बिसोरनो गोब्राब फिन जाथायखौ भुगिनांगोन। आमेरिका, अस्ट्रेलिया, कानाडा, निउजिलेन्ड आरो ब्रिटेनआ चीननि हादत सिंनि केसयाव आखाय होदों, जायखौ सहायनाय जानाय नडा। बियो फाइभ आइज गुपखौ मख'नानै बुंदों, बिसोरना मोन 5 एबा मोन 10 मेगन दंख्वावो, बेजों जेबो फारगनि गोलेया। जुदि सोरबा गावसोरखौ ख'हा खालामब्ला बिजरनाय जागोन। □

# प्रतापगड़आव गोखैयै फैनाय बलेरआ ट्राकआव हाबनानै सा 14 हौवा गोदान लागोया थैदों

लक्ष्नी, 20 नभेम्बर : इडपिनि प्रतापगड़ आव थानाय बृहस्पतिबाव खालि हराव गोखैयै फैनाय थानाय बलेर गारिया लामायाव थाबाय थानाय ट्राकआव हाबफेयो। बे जाब्रबथायाव बलेर 'आव गाखोनाय गासै सा 14 हौवा

गोदाननि लागोफोरा थैयो। खौरानि बाइदिब्ला, प्रतापगड़ जिल्लानि नबावगन्ज ओन्सोलनिफ्राय हौवा गोदान लोपोनि गंसे बलेर' गारियाव गाखोनानै थानाय बृहस्पतिबाव खालि हराव फेफिनबाय थदोंमोन। बिसोर देशराज इनाया ओन्सोलनि खाथियाव सौहेब्ला लामायाव गंसे गात्रि जानानै थानाय ट्राकखौ लामायाव नुनो मोनो। गोखै खारथारजों फैनाय थानाय बलेर गारिनि ड्राइभरआ हरखाबे सिगाडव ट्राकखौ नुनानै ब्रेक लानो नाजायो नाथाय फेलें जायो। बेनि जाहोनाव गोखैयै खारबोनाय बलेर'आ सौग्रावनानै

ट्राकआव हाबो। बे जाब्रबथायाव सा 6 गथ 'फोरजों लोगोसे सा 14 हौवा गोदान लागोया थैयो। बेनि खौरां मोन्यायनि उनाव एसपि अनुराग आर्थ पुलिस सान्थि हान्जाजों लोगोसे जाथाइ जानाय जायगायाव सौहेयो। सौग्रावनार्यनि गेजेरजों बलेर' गारिखौ हासनानै गोथे सहफोरखौ बाइजोयाव बनो। एसपिआ सन्देह खालामनाय बायदिब्ला ड्राइभरनि थैन्थ 'नायनि जाहोनाव बे जाथाया जादों आथिखालाव गासै गोथे सहफोरखौ परस्ट मर्टेमनि थाखाय दैथाय हरनाय जाबाय। □

# जैश-ए-महम्मदनि सानै उतखारिफोरनि पुलिसनि जिम्मायाव लाखिनाया जोब्बाय

गोदान दिल्ली, 20 नभेम्बर : दिल्लीनिफ्राय ग्रेप्टार खालाम जानाय जैश-ए-महम्मदनि सानै उतखारिफोरनि पुलिस रिमान्डआ दिनें जोब्बाय। जायनि जाहोनाव पुलिसआ दिनें सा 2 उतखारिफोरखौ कर्टयाव



दिन्थिनानै फिन रिमान्ड बिबावगोन। सुलुनि बादिल्ला, जैश-ए-महम्मदनि सा उतखारिफोरखौ थाहोग्रा दिल्ली थागिबिआ दासिमबो खारखोमानां दं। बिनि लकेशनखौ बांलादेश बडारि आरो देबबन्दयाव मोन्दोंमोन। जायनि उननिफ्राय पुलिसजों लोगोसे गासिबो रेखाथि एजेन्सिफोरा बिखौ खना-खनला सिग्रोमदों। दिल्ली पुलिसनि स्पेशल सेलआ हमजानाय उतखारि आबुदुल लतीफ मीर आरो महम्मद अशरफनि मबाइल फननि

# सोनाब बंगनि बिजेपिनि मावख 'याव अर नांदों



कलकता, 20 नभेम्बर : सोनाब बंगनि साहा 24 परगना जिल्लायाव थानाय बिजेपिनि मावख 'याव अर नानानै सेवहांगार जाबाय आरो पार्टिनि दैदेनगिरिफोरा बेनि थाखाय तृणमुल कंग्रेसनि सायाव दाय जाबसिनो। नाथाय आथिखालाव राइज्योआव खुंथाइयाव थानाय तृणमुल कंग्रेसआ बे दाय जाबसिन्याफोरखौ नेवसिदों। बरकपुर लकसबा ओन्सोलनि बायदि बबनपुरआव थानाय बिजेपिनि मावख 'याव थानाय बुधबार खालि हराव अर नाडो। बेनि गेजेरजों पुलिस बिबानगिरिआ फोरमायदों, आथिखालाव बे अरा माबोरे नांदों बेनि सोमोन्दै जेबो रोखा जायाखै। बेनि थाखाय केस थिसन्याय जाबाय। बेराफासै, बिजेपिनि राइज्योनि लेडइ

आफादगिरि आरो बरकपुरनि एमपि अजुन सिंआ बेयो तृणमुल कंग्रेसनि आखु जागोन होन्नानै दाय जाबसिनदों। बेनि गेजेरजों बिथाडा टुइट खालामोदि, बे सावगारिया ममता बेनार्जीनि गुन्डाराजआव सोनाब बंगयाव सुबुतन्त्रनि थासारिखौ फोरमायो। बेनि सोमोन्दै बिजेपिनि माहारियारि सेक्रेटारि अरबिन्दआ बुडोदि, बिजेपिआ सोनाब बगंनि खना-खनला सौहेजोब्याय। जों राइज्योयाव गोबां मदत मोनगासिनो दडा। हिंसाजों खुंथाइ खुंघ्रा तृणमुल कंग्रेसनि जोबथा समा सौफेबाय। बेराफासै, जिल्ला तृणमुल कंग्रेसनि सासे दैदेनगिरिया बे जाथायाव पार्टिनि आखाय गैया बुंदों। □

# अहमदाबादआव मास्क गानैनि दायव जुरिमाना फोनांदों

एहमदाबाद, 20 नभेम्बर: मास्क गाना जासे हमजानायाव एहमदाबादआव जुरिमानाल' नानाय नडा, बबेखानि बिसोर करना टेस्टबो खालामनंगोन। नोगोर निगमआ करना भाइरासनि बारायनाय केसफोरखौ नोजोर होनानै बे थांखिखौ लादों। बेनि थाखाय नोगोर निगमनि मावसुमाफोरा लान्थिये नोजोर लाखिगोन। मख'नो गोनांदि, बे गोदान थांखिनि गेजेरजों जुदि करना रिपर्टआ नेगेटिव फेयोब्ला 1000 रं जुरिमाना होनांगोन। बेराफासै, जुदि रिपर्टआ पजिटिव फेयोब्ला बे सुबुंखौ थाबेनो देहा फाहामसालियाव



थिसन्याय जागोन। अदेबानि गुजरातनि एहमदाबाद शहराव करना भाइरास इनफे क्शननि गोसासनयखौ होबथानो थाखाय शुकुर्बानिफ्राय निगम सिमनानि सिडव 57 घन्टानि कार्फिउ जाबसिन्यायनि थांखि लानाय जादों। बेनि गेजेरजों मोनसे

फोसावनायाव बुडोदि, थासासिखौ नोजोर होनानै गुजरात सरकार राइज्योयाव फेगौं 23 नभेम्बरनिफ्राय गेजेर थाखोनि स्कुल आरो कलेज खुलिनाय गावसोरनि थांखिखौ होबथाबाय। बेयाव कार्फिउनि समाव गायखेर आरो मुल्लिनि दकानफोराल' खुलिगोन। □

## एटिपि वर्ल्ड टूर फाइनाल्स आव नाडाल आ सितसिपासखौ फेजेनानै सेमि फाइनालाव हाब्बाय



पेरिस, 20 नभेम्बर: माहामारि करना बेराम गोसारनायनि गेजेरवनो लन्डन आव जानाय वर्ल्ड टूर फाइनाल्स आव वर्ल्ड नम्बर-2 गेलेगिरि रापेल नाडाल आ डिपेन्डि सेमिपयन्स वर्ल्ड नम्बर-6 स्टेफनस सितसिपासखौ फेजेनानै सेमि फाइनालाव सहै नो हादों। मख 'नो गोनादि, एटिपि वर्ल्ड टूर फाइनाल्स बादायलायनायाव नाडाल आ सितसिपासखौ 6-4, 4-6, 6-2 सेट आव फेजेनानै सेमि फाइनालाव जायगा आवग्रिनो हायो। नाडाल आ फेगौ सेमि फाइनालाव डेनिल मेडबेदेवनि हें थायै गेलेगोन। बे बादायलायनायाव नाडाल आ गोखौ गेलेनानै दिन्थिफुनो हादों मोन आरो बे गेलेनाय बादायलायनाया 2 घन्टा 5 मिनटसिम सोलिदों मोन। एरहाय सितसिपास आ मेच आव जेनादों ब्लाबो गिबि सेट आव देरहासारो हादों आरो नैथियाव देरहासारो हादों। गुबुन फारसेथि 3 थि सेट आव नाडाल आ देरहासारो हानानै सेमि फाइनालाव जायगा आवग्रिनो हादों।

## 7थि सिजन आइ एस एलनि जागायजेननाय मेस आव ए टि के महन बागान आ केरेला ब्लास्टारखौ फेजेनदों

पानाजि, 20 नभेम्बर: भारतनि देरसिन फालांगियारि फुटबल टुर्नामेन्ट इन्डिया सुपार लिगनि स्निथि सिजन टुर्नामेन्ट आ दिने निफ्राय जागायबाय। ग'वायाव खुं जानाय बे गोदान सिजन आइ एस एलनि गिबि मेसखौ दिने ए टि के महन बागान आरो केरेला ब्लास्टार क्लाबनि गेजेराव मुहिथावै बादायलादों। बे बादायलायनायाव दिफेन्डि सेमिपयन ए टि के महन बागान आ केरेला ब्लास्टारखौ 1-0 गल आव फेजेनदों। मेस आव ए टि केनि थाखाय राय कृष्णा आ गल से गल

सोनो हादों। मेसनि गिबि हालफनि सम जेबजासिमाव मोननै बो हानजाया गल सोलायनो हायाखे मोन। नाथाय नैथि हालफनि 67 मिनट आव मोनसे मोजां खबु मोननानै महन बागाननि राय कृष्णा आ बे सिजननि आइ एस एल आव गिबि गल सोनो हायो। लोगोसे कृष्णानि गल सोनायजों मेसखौ ए टि के महन बागान आ देरहानो हायो। मख 'नाय जायोदि बे खेबाव आइ एस एल टुर्नामेन्टनि प्राइज मानि आ 18.5 कौटि रां जागोन। बेनि गेजेराव सोमिपयन हानजाया 8 कौटि आरो रानास आफ

हानजाया 4 कौटि रांखौ बाथा महरै मोननो हागोन। बेनि अनगायैबो सेमि फाइनालसिम सहै नाय गुबुन मोननै हानजानोबो 1.5-1.5 कौटि रां होनाय जागोन।



## एन पि एल आरो सि ए एन नो भारतीय कम्पनी आ 10 बोसोराव 40 कौटि रां हरनो रदाय खादों

काठमान्डु, 20 नभेम्बर: नेपाल प्रिमियर लीग सुंदै एन पि एलनि ब्रैथि प्रेन्साइसि टुर्नामेन्ट आ जानो हासिगौ। बेनि सिगांनो एभारेस्ट प्रिमियर लीग, पकरा प्रिमियर लीग आरो धनगारि प्रेमियर लीग फोरखौ खुं गिसिनो दं। बेनि थाखाय क्रिकेट एससियेशन अफ नेपाल आ थांखि जानाय नेपाल प्रिमियर लीगनि थाखाय इन्डियन कम्पनी फोरखौ मोन्थाम स्पटसखौ खुंनो थाखाय खावलायदों। क्रिकेट एससियेशन अफ नेपालनि सियारमेन सुतुर बाहादुर चन्द आ बुंथिनाय बायदिब्ला थांनाय बुधबारखालि क्रिकेटनि गभार्नि



बडिनि एगिजक्युटिभ काउन्सिलखौ भारतीय कम्पनीखौ खुंफुहोनो लानाय थांखिखो गनायथि होयो। सियारमेन चान आ बुंबावोदि, एनपिएल आ क्रिकेट एससियेशन अफ नेपालजों जे ब्लायाबो मदत होबाय थागोन। बेजों एनपिएलनि फ्राय क्रिकेट एससियेशननि फ्रायबो मुलाम्फा मोनगोन। बिथाडा बुंबावोदि, क्रिकेट एससियेशन

अफ नेपालनो भारतीय कम्पनी आ 10 बोसोराव 40 कौटि रां हरगोन। बेनि मादाव गिबि बोसोराव 2.50 कौटि रांखौ हरगोगोन। गोरोबथा खालामनाय बायदिबै भारतीय कम्पनी आ बोसोराफोमबो रां हरनायखौ बारायलां बाय थागोन। बबेखानि बे डिल खालामनाया जेबथा थांखियाव फेयखे ब्लाबो जागायजेननायाव कम्पनी आ मख 'नाय रांखौनो हरोनाया थिरांथा जाबाय। बेनि अनगायैबो भारतीय कम्पनी आ नेपालाव थांनाय मोननै स्टेडियम फोरखौ आपग्रै ड खालामनायनिबो रदाय खानाय जादों।

## आइ सि सिनि सियारमेन मासिनि बिसायख 'थिनि गिबि राउन्डयाव बार्कले आ मोन 10 आरो इमरान ख्याजा आ मोन 6 भट मोन्दों

दुबाइ, 20 नभेम्बर: आइसिसिनि चेयारमेन मासिनि थाखाय ग्रेग बार्कले आरो इमरान ख्याजानि गेजेराव नारा-नाथा जालायनायखौ नुनो मोन्दों। दासिमाव इलेक्ट्रिक बेलटजों सोनाय मोन 16 भटनि मादाव मोन 10 भटखौ बार्कले आ मोनो हादों आरो मोन 6 भटखौ ख्याजा आ मोनो हादों। गिबिये बयनिखुइबो भट मोनो हानाय केन्डिदेट चेयारमेननि मासिखौ मोनो हादों। बेनि थाखाय आरोबाव नैथि खोलोबनि भट होनाय जाबावगोन। बबेखानि बोहैथि बोसोराव आइसिसिनि चेयारमेन मासिनि थाखाय बिसायख 'थिखौ गोदान नेमखांथि बानायनानै गासै मोन 3 खोलोबयाव बिसायख 'थि खुंनाय जादों। गोदान नेमखांथि बायदिबै बार्कले आरो इमरान ख्याजा आ देरहासारो थाखाय गासै मोन 16 भटनि फ्राय मोनै भट मोन थारनागोन। बबेखानि बार्कले आ आइसिसिनि चेयारमेन जानो थाखाय मोन 11 भटनि गोनांथि दं आरो ख्याजा आ मोन 7 भट मोननायनि गोनांथि दं। गोबां मासि मोनो हायाब्ला बेनि



सायाव आरोबाव नैथि राउन्डनि भटि खालामनाय जागोन। मोन 16 भटनि मादाव मोन 12 क्रिकेटनि आबुं सोद्रोमा हादतफोरदं। बेनि मादाव सासे इन्डिपेन्डेन्ट आइजो मेम्बर आरो सासै आ एससियेटे मेम्बर्स। जेराव मोनसे भटखौ ख्याजा आ गावनो होगोन मानो होनोब्ला आधिखालाव बिथाडा गावनो बर्दिनि मेम्बर बबेखानि थांनाय बुधबारव भट होनायाव ख्याजा आ मोन 6 आरो बार्कले आ मोन 10 भट मोनो हादों ब्लाबो सासैबो देरहासारो हानायनि भट मोनो हायाखै। बेबायदि थासायियाव नैथि राउन्डनि बिसायख 'थि होनाय जागोन। जुदि नैथि राउन्डयावबो सासैबो केन्डिदेट आ मेजरिद भट मोनाब्ला 3 थि राउन्ड

आइसिसिनि चेयारमेन सुशांक 'मनहरनि समाव डिपुटि चेयारमेन महरै खामानि मावबोदों मोन।

## गाहाय मन्थि मदिआ भुटान आव रुपे कार्डनि नैथि फेजखौ जागायबाय

गोदान दिल्ली, 20 नभेम्बर: शुक्रबार आव गाहाय मन्थि नरेन्द्र मदिआ भुटाननि गाहाय मन्थि लटे शेरिजों लोगोसे मोनसे बार्चुएल हाबाफारिनि गेजेरजों रुपे कार्डनि नैथि फेजखौ जागायदों। बे सम आव गाहाय मन्थि मदिआ बुंदोंदि, दिने निफ्राय भुटान नेशनेल बैंकनि गेजेरजों फोसावनाय रुपे कार्डनि कार्ड गोनांफोरा भारत आव एटि एमनि गेजेरजों। लाख रनिफ्राय बांसिन आरो पाइन्ट-अफ-सेल टार्मिनाल आव 20 लाख रनिफ्राय बांसिन रांखौ दिहुनो हागोन।



## नेसन्स लीग फाइनाल्स आव इटाली आरो बेल्लियाम आ सेमिफाइनालाव

सन्डन, 20 नभेम्बर: इटाली आ भरिनया-हार्जेगभिनाखौ 2-0 जों फेजेनानै ग्रुप एफनि जौसिन सारि आव थाहेनानै नेसन्स लीग फाइनाल्स फुटबल टुर्नामेन्टनि जेबथा 4 एवा सेमिफाइनालाव जायगा लानो हायो। नेडारलेण्ड आबो पलेण्डखौ 2-1 जों फेजेनो, नाथाय टीम आ सेमिफाइलाव जायगा लानो हायाखिसै। नक आउट राउन्डनि गेलेनायखौ खुंफुं हानजा इटाली आव खुंनाय जागोन। बे राउन्ड आव बुहुमनि आधिखालसिमनि नम्बर-1 टीमजों लोगोसे थांनाय मोनब्रै वर्ल्ड काप गेलेनाय सेमिपयन फोरनिफ्राय मोनथाम हानजाया बेयाव बाहागो लागोन। बेनि सिगांनो ग्रुप एफनि देरहासार हानजाया जेबथा मोनब्रै टीमनि गेजेराव गेलेनो गोनां




मेचखौ खुंनो मोनगोन होनानै रोखा खालामखादों मोन। वर्ल्ड नम्बर 1 टीम बेल्लियाम आबो रोमेलु लुकाकुनि गरनै गल सोनायनि मददजों डेनमार्कखौ 4-2 जों फेजेनानै नक आउट राउन्ड आव हावहैयो। बेल्लियाम आरो

इटालीन अनगायैबो स्पेन आरो फ्रान्स टीम आबो बे मोनब्रै हानजानि राउन्ड मेच आव गेलेगोन। स्पेन आरो फ्रान्सनि ग्रुप मेच आ थांनाय मंगलबारखालिनो जेबदों मोन। जेबथा मोनब्रै हानजानि गेलेगोन मेच आव 2006, 2010 आरो

टुन्जेकशन आ गोरलै जागोन। बियो बेखौबो बुंदों गाव बेखौ मोनथिनानै गोजोनाय मोन्दीदि, भुटान आव दासिम आव 11,000 रांखौ टुन्जेकशन खालामखां बाय। जुदि करना इनफेकशन आ गोसारमोन्ब्ला बेनि अन्जमाया बेनिफ्रायबो बांसिन जागोमोन। लन्व खालामनाय समाव गाहाय मन्थि मदिआ थायथि हारिमायारि इन्टरनेट गेटवे आव बिएसएनएलजों लोगोसे भुटाननि रादाय खानायखौबो बरायदों।

## गैन्टार बिकास दुबेनि सायाव सावथुन बानायसिगोन

गोदान दिल्ली, 20 नभेम्बर: मोनफ्रोमबो निउस सेनेल आव ग्रे प्त्तारनिफ्राय लानानै एनकाउन्टर सिमनि हेड लाइन आरो ब्रेकिं निउस जानाय बिकास दुबेनि सायाव सावथुन बानायसिगोन। बिकास दुबेनि जिउनि सायाव बिथा खालामनाय सावथुनखौ आधिखालाव गिदिर पर्दायव नुनो मोनगोन आरो सावथुन आ 2021 नि मार्च आव रिजिज जागोन।



होनांगौ। सावथुन मुलुग आ भुतनि आखुखौ ओरैबायदि दिन्थिदोंदि जाहाथे नायगिरिफोरनि गोसो आव गोहोम गोसैयो। मख 'नो गोनांदि, अहन नदार अफ प्रडाक्सन हेड क्वार्टर आनलिमिटेड आ 'में कानपुर बाला' बिजाबनि राइटरखौ नायबाय, जायखौ

राइटर मृदुल कापिल आ लिखदों। बेखौ गुन्डा बिकास दुबेनि जिउनि सायाव बिथा खालामनाय लिखनाय जादों। बे बिजाबखौ 1 दाननि सिगां डिजिटे ली रिजिज खालामदों मोन। मनीष बानत्सल्या आ आधिखालाव बे सावथुनखौ बिथोन होगोन आरो मनीष गयल आ सावथुन आव बिकास दुबेनि फाव खालामगोन। बियो टिभिनि मुंदांखा फावखुंगुर। मख 'जाथावदि, बिकास दुबे आ कानपुरनि सासे गैन्टारमोन जाय इडिपि पुलिसनि एनकाउन्टर आव थैदों मोन।